

ՍՈՒՐԲ ՀՈԳԻՆ՝ ԱՍՏԾՈՒ ՔԱՄԻՆ

ԲԱՆԱԼԻ ԽՈՍՔ. ՀՈՎՀԱՆՆԵՍ 3.7-8

7 Մի՛ զարմացիր, որ քեզ ասացի. Դուք պետք է վերստին ծնվեք:
8 **Քամին ուր ուզում է, փչում է, և նրա ձայնը լսում ես, բայց**
չգիտես, թե որտեղից է գալիս և ո՛ր է գնում. այդպես է և Հոգուց
ծնված ամեն ոք:

Երբայերենում «հոգի», «շունչ» և «քամի» բառերը հաճախ
նույն բառն են՝ רוח (Ruach / Ռուախ)

Ծննդոց 1.2 – Աստծու **Հոգին** շրջում էր ջրերի վրա:

Ծննդոց 2.7 – Տեր Աստված մարդուն ձևավորեց հողի փոշուց
և նրա ռունգերի մեջ կենդանության շունչ փչեց, և մարդը
կենդանի հոգի եղավ:

Երբ դու խոսում ես, քո բերանից ոչ միայն բառեր են դուրս
գալիս, այլ դրանք խառնված են նաև քո շնչի հետ:

Աստված Իր խոսքով արարեց երկինքն ու երկիրը, և Նրա
շունչը կյանք տվեց երկրին:

8 **Քամին ուր ուզում է, փչում է, և նրա ձայնը լսում ես**

Քամին գոյանում է, որովհետև արևը երկրի մակերեսը
անհավասար է տաքացնում: Տարբեր վայրեր տարբեր
արագությամբ են տաքանում, և դա ստեղծում է օդային
ճնշման տարբերություն:

Բարձր ճնշման վայրերից օդը շարժվում է դեպի ցածր ճնշման տարածք՝ փոխարինելու բարձրացած տաք օդին: Այդ շարժվող օդը քամին է

Քամին պարզապես օդի շարժումն է բարձր ճնշումից դեպի ցածր ճնշում:

Աստվածաշունչը խոսում է չորս քամիների մասին՝ հյուսիսային, հարավային, արևելյան և արևմտյան քամիների:

1. ՀՅՈՒՍԻՍԱՅԻՆ ՔԱՄԻ – ՍԱՌԸ ՇՐՋԱՆՆԵՐ

Հյուսիսային քամին անձրև է բերում... և ցուրտը՝ հյուսիսային քամիներից (Առակաց 25.23, Հոբ 37.9):

- Հյուսիսային քամին Աստվածաշունչում հաճախ ներկայացվում է որպես սառը և դժվար շրջանների խորհրդանիշ:

2. ՀԱՐԱՎԱՅԻՆ ՔԱՄԻ – ՋԵՐՄՈՒԹՅՈՒՆ և ՄԽԻԹԱՐՈՒԹՅՈՒՆ

Հոբ 37.17 – Գիտե՛ս, որ հազուստներդ տաքանում են, երբ երկիրը հարավի քամուց հանգստանում է:

Գործք 27.13 – Երբ մեղմ հարավային քամի փչեց, նրանք կարծեցին, թե արդեն հասել են իրենց նպատակին...

Այն նույն Աստվածը, որ թույլ է տալիս փոթորիկը, նաև ուղարկում է մխիթարության քամին:

3. ԱՐԱԵԼՅԱՆ ՔԱՄԻ – ԴԱՏԱՍՏԱՆ և ՈՒՂՂՈՒՄ

Չովնան 1.4 – Բայց Տերը մի մեծ քամի հանեց ծովի վրա, և մեծ փոթորիկ եղավ ծովում, և նավը խորտակվելու վտանգի մեջ էր:

Չովնան 4.8 – Եվ երբ արեգակը ծագեց, այն ժամանակ Աստված սահմանեց արևելյան խորշակաբեր քամուն, և արևը հարվածեց Չովնանի գլխին: Նա թուլացավ, ուզում էր մեռնել և ասաց. Մեռնելս ապրելուցս լավ է:

Երբեմն Աստված թույլ է տալիս ցավոտ շրջաններ՝ մեզ ուղղելու համար:

Արևելյան քամին կարող է ցավոտ լինել, բայց նույնիսկ այդ քամին Աստծո վերահսկողության տակ է:

Ելից 14.14, 21 – Տերը պիտի պատերազմի ձեզ համար, իսկ դուք հանգիստ եղեք: Մովսեսը մեկնեց իր ձեռքը ծովի վրա: Տերն արևելյան սաստիկ քամիով ամբողջ գիշեր քշեց ծովը և ցամաքեցրեց այն, ու ջրերը ձեղքվեցին:

Ելից 10.13 – Մովսեսը մեկնեց իր գավազանը Եգիպտոսի երկրի վրա, և Տերն ամբողջ այդ օրը և ամբողջ գիշերը արևելյան քամի բերեց երկրի վրա: Երբ առավոտ եղավ, արևելյան քամին բերեց մորեխներին:

4. ԱՐԼՄՏՅԱՆ ՔԱՄԻ – ՓՈՓՈԽՈՒԹՅՈՒՆ և ԱԶԱՏԱԳՐՈՒՄ

Ելից 10.19 – Տերն արևմտյան սաստիկ մի հողմ ուղարկեց, որը մորեխն առավ ու քշեց Կարմիր ծովը: Եգիպտոսի բոլոր սահմաններում մի հատ մորեխ չմնաց:

Աստված նախ արևելյան քամի ուղարկեց՝ մորեխ բերելու համար, հետո արևմտյան քամի ուղարկեց՝ դրանք հեռացնելու համար:

Նույն Աստվածը, որ թույլ է տվել փոթորիկը, կարող է նաև հեռացնել այն:

Սաղմոս 78.26-27 – Նա երկնքում բարձրացրեց արևելյան քամին և իր զորությանը մոտ բերեց հարավային քամին. Եվ փոշու պես միս թափեց նրանց վրա և ծովի ավազի պես՝ թևավոր թռչուններ.

Այն, ինչ թվում էր կործանում, Աստված կարող է դարձնել մատակարարում:

Սաղմոս 148.8 – Փոթորկալից քամիները կատարում են Նրա խոսքը:

ՔԱՄԻՆ ՈՒՐ ՈՒՋՈՒՄ Է, ՓՉՈՒՄ Է, և ՆՐԱ ՁԱՅՆԸ ԼՍՈՒՄ ԵՍ...

*Մարկոս 4.39 – Նա, արթնանալով, քամուն սաստեց ու լծին
ասաց. «Լռի՛ր, հանդարտվի՛ր»: Եվ քամին դադարեց, ու
կատարյալ խաղաղություն տիրեց:*

*Բ Թագ. 22.1-4 – 1 Այդ օրը Դավիթն ասաց Տիրոջը այս
երգի խոսքերը, երբ Տերը նրան ազատել էր իր բոլոր
թշնամիների ձեռքից և Սավուղի ձեռքից: 2 Նա ասաց.
Տերն իմ վեմը, իմ բերդն ու իմ ազատարարն է: 3
Աստված իմ ժայռն է, և ես նրա մեջ եմ ապաստան
գտնում, Իմ վահանը և իմ փրկության եղջյուրը, իմ
բարձր աշտարակն է ու իմ ապաստանը, Իմ
ազատիչը. դու ես անհրավությունից ազատում ինձ: 4
Ես կանչում եմ Տիրոջը, որ փառաբանության է
արժանի, Եվ պիտի ազատվեմ իմ թշնամիներից:*

11 Նա երևաց հողմի թևերի վրա:

*Եսայի 59.19 – Երբ թշնամին հեղեղի պես գա, Տիրոջ
Ջոզին (roah, շունչը) դրոշ պիտի բարձրացնի նրա
դեմ:*

*Ծննդոց 2.7 – Տեր Աստված մարդուն ձևավորեց հողի
փոշուց և նրա ռունգերի մեջ կենդանության շունչ
փչեց, և մարդը կենդանի հոգի եղավ:*

ՍՈՒՐԲ ՀՈԳՈՒ ՔԱՄԻՆ ԿՅԱՆՔ Է ԲԵՐՈՒՄ

Եզեկիել 37 – Չոր Ոսկորների Հովիտը

Սուրբ Հոգին վերականգնում է կոտրված բաները:

Եզեկիել 37.9 – Եվ ինձ ասաց. **Մարգարեացի՛ր շնչին, մարգարեացի՛ր, ո՛վ մարդու որդի, և ասա՛ շնչին.** Այսպես է ասում Տեր Աստված. **Աշխարհի չորս հովերից եկ, ո՛վ շունչ,** և փչի՛ր այս սպանվածների վրա, որ կենդանանան:

Քամին կարող է՝ ընտանիքներ վերականգնել, սրտեր բժշկել, եկեղեցի կենդանացնել, կախվածություններ կոտրել, ապստամբություն հեռացնել, դիվական ծնշում ոչնչացնել:

Հարցը հետևյալն է

«Կարո՞ղ են այս ոսկորները կենդանանալ»:

ԴԱՐՁԻՐ ՔԱՄՈՒ ՀԵՏԵՎՈՐԴ

8 Քամին ուր ուզում է, փչում է, և նրա ձայնը լսում ես,

Քամին պարզապես օդի շարժումն է բարձր ծնշումից դեպի ցածր ծնշում:

ՊԵՆՏԵԿՈՍՏԵ – ՔԱՄԻՆ ԵԿԱՎ

Գործք Առաքելոց 2.1-2 – 1 Եվ Պենտեկոստեի օրը բոլորը **միասին գտնվում էին նույն տեղում:** 2 Հանկարծ երկնքից սաստիկ քամու պես մի ձայն հնչեց և լցրեց ամբողջ տունը, որտեղ նստած էին:

3 Եվ նրանց երևացին բաժանված հրե լեզուներ, որոնք նստեցին նրանցից յուրաքանչյուրի վրա: 4 Բոլորը լցվեցին Սուրբ Հոգով և սկսեցին ուրիշ լեզուներով խոսել, ինչպես որ նրանց խոսել էր տալիս Հոգին:

ԱՊԱՇԽԱՐՈՒԹՅՈՒՆԸ ՊԱՏՐԱՍՏՈՒՄ Է ՍԻՐՏԸ ՔԱՄՈՒ ՀԱՄԱՐ

Գործք 2.38-39 – Ապաշխարիր, Մկրտվիր, Ընդունիր Սուրբ Հոգին...

Այս խոստումը դեռ այսօր էլ ուժի մեջ է:

ԻՆՉ Է ՍՈՒՐԲ ՀՈԳԻՆ ԱՍՈՒՄ ԻՆՉ ԱՅՍ ՊԱՏԳԱՄԻ ՄԻՋՈՑՈՎ: